



第一三二册

四庫全書

● 上海古籍出版社

本冊目次

梅村集
湯子遺書
附錄
兼濟堂文集

清吳偉業撰……………一
清湯斌撰……………四二一
清王廷燦編……………四二一
清魏裔介撰……………六四五

欽定四庫全書

集部

梅村集

御製詩

卷五

評校官內閣中書臣陸潤庠

助教臣常循覆勘

總校官知縣臣楊懋珩

校對官中書臣程瑛

謄錄監生臣徐芭

御題梅村集

梅村一卷足風流往復披尋未肯休秋水精神香雪句
西崑幽思杜陵愁裁成蜀錦應慚麗細比春蠶好更抽
寒夜短檠相對處幾多詩興為君收

右謹依

御製樂善堂全集本恭錄

欽定四庫全書

御製詩
梅村集

欽定四庫全書

集部七

梅村集

別集類六

國朝

提要

臣等謹案梅村集四十卷

國朝吳偉業撰偉業字駿公號梅村太倉人前明崇禎辛未以一甲第三人及第授翰林院編修入

國朝官至國子監祭酒所作綏寇紀畧已別著

欽定四庫全書

梅村集
提要

錄此乃其詩文全集凡詩十八卷詩餘二卷文二十卷偉業少時即以詩名江左晚而壇坫益高紙墨未乾遠近已爭相傳誦風流藻采足以映照一時其詩調振宮商濡染丹碧風神韻致秀冶軼倫為從來罕有之標格而最擅勝者尤在於七言歌行一體觀其緣情托興即事抒懷促急管之繁聲動么弦之逸響一唱三歎別具鑪錘元白以還一人而已

欽定四庫全書

梅村集
提要

恭枝上

至其古體則往往近於偶儷殊非正格黃宗義嘗稱梅村集中張南垣柳散亭二傳張言其藝而合於道柳言其參寧南軍事比之魯仲連之排難解紛此等處皆失輕重為倒却文章家架子其針砭之者頗當然諸文類能稱心而出詞旨雅贍雖未可追躡前脩要亦不失為才人之筆也乾隆四十六年十月

總纂官_臣紀昀_臣陸錫熊_臣孫士毅
總校官_臣陸費墀

欽定四庫全書

梅村集卷一

國子監祭酒吳偉業撰

五言古詩一

贈答雪

我聞昆明水天花散無數足凌高峰了了見佛土法
師溟海來植杖渡相浦藤鞋負貝葉葉葉青蓮吐法航
下匡廬講室臨玄圖忽聞金焦鐘過江救諸苦中峰古

欽定四庫全書

梅村集

道場浮圖出平楚道泉統塔除疏巖置廊廡同學有汰
公兩山聞法鼓天親偕無着一朝亡其伍獨游東海上
從者如墻堵迦文開十誦廣舌演四部設難何衡陽答
疑劉少府人我將無同是非空諸所即今四海內道路
多豺虎師於高座上辨香祝君父欲使菩提樹徧蔭諸
國土洱水與蒼山佛教之齊魯一履游中原五嶽問諸
祖稽首看花嚴妙義足令古

塗松晚發

孤月倚一村寒潮自來去人語出短蓬纔沒溪橋樹冒
霜發輕舫披衣聽雞曙斷響若鳴灘蘆洲疑驟雨漁因
入浦喧農或呼門懼居然見燈火市聲雜翁嫗水敗村
店移一帆今始遇生涯問荻蒲世事隔沮如終當謝親
朋刺舟從此住

毛子晉齋中讀吳匏菴手抄宋謝翱西臺慟哭記

扁舟訪奇晝夜月南湖宿主人開東軒磊落三萬軸別
度加收藏前賢於手錄北堂學士鈔南宋遺民牘言過

欽定四庫全書

梅村集

富春渚登望文山哭子陵留高臺西面滄江綠婦翁為
神仙天子共游學攜家就赤城高舉凌黃鵠尚笑君房
癡寧甘子雲辱七里溪光清千仞松風謾廬陵赴急難
暮府從羈僕運去須武侯君存即文叔臣心誓弗讓漢
祚憂難復昆陽大雨風虎豹如蜩縮詭譎滹沱水倉卒
燕亭弔所以恢黃圖無乃資赤伏即今錢塘潮莫救屋
山麓空坑戰士盡柴市孤臣殘一死之靡他百身其奚
贖龔生天天年翟公港家族會稽處士星求死得亦足

安能期故人共卧容加腹巢許而蕭曹遭遇全高蹈文山竟以殉趙社終為屋海上悲田橫國中痛王蠋門人萬里歌故吏平陵曲欲存君臣義此製朋友服相國誠知人舉事何顧戚丈夫失時命無以辭碌碌看君書一編俾我愁千斛禹績荒烟霞越臺走麋鹿不圖壘山傳再向巖灘續配食從方千豐碑繼梅福主人更命酒哀吟同擊筑四坐皆涕零霜風激羣木嗟乎誠義士已矣不忍讀

欽定四庫全書

梅村集

五

壽王鑑明五十

伏勝謝生徒開壁藏卷軸桓榮抱詩書拾招迷巖谷古來兩經生遭亂耽講讀後皆保者願或乃致鼎足當世數大儒如君號名宿通識晚世變早計駭愚俗一朝載妻子推車入天目經營志不遂退迺就田牧十畝種桑麻一溪時花木果茹飴兒孫樵蘇課僮僕以代子陵釣無媿君平卜俯視悠悠人愁苦對金玉下士豈聞道世事如轉轂五十知天命養生在無欲全家就白雲避地

驅黃犢無以侑君觴知足則不辱

松風

銜飈飄頽瓦壞牆叢廢棘設然見松魁搏樹向人立側目仍盱眙奉頭似悚惕簷牙偃卧高屋角欹斜疾倒擁弱枝危迅躡修柯直已墮復驚趨將藏又旁突去遠且暫留迴顧再進逸前逃赴已駛後竄追旋及剝輕固天性儼狻因衆習兩木夾清漳槎牙斷尋尺攀緣所絕處排空自騰擲足知萬物機飛走不以力嗟爾適何來鳥

欽定四庫全書

梅村集

四

鼠忽而一本是居巖巖無端被羈繫兒曹初玩弄種類漸充斥點彼憑社徒技窮耻畫匿銜尾共呼鳴異穴為主客吾廬枕荒江垂死倚病柏雷雨撥其根慄裂蒼皮濕空腹鴟鵂蹲殘身螻蟻食社鬼不復憑乘間恣出入庭中玉葉枝怒茁遭狼藉非敢念摧殘於君奚損益屈指五六年不遺一花白筵筍抽新芽編籬察行跡免彼鎌鉏侵值雨齒牙厄反使盜者心笑睨生歎息貧賤有此園謂可資溉植春蔬晚猶種夏果晨自摘鳥雀羣飛

鳴咽嗽滿阡陌婦子懶驅除傳薰加釐豆我亦顧而笑
自信無長策焉能避穿墉會須憂入室茅齋雖云陋一
一經剪葺晚起看掃除仰視軌詔惜尋繩透簾幕捍兒
來几席倒度傾圖書窺厨咬漿炙空倉喧夜闌忘疲競
遺粒早幸官吏相督責無餘積邂逅開虛堂羣怒扼險
塞地逼起衆呼拍手撼四壁捕此曷足多欲以觀其急
樗戶既嚴扁藥櫪若比柳督眼條遁逃一巧先百密窮
追信非算尤豫不早擊忍令智弗如變計思與敵機深
欽定四庫全書

勇夫駭勢屈兒童獲舉世貴目前快意相促迫比讀莊
生書退守愚公術撲棗聽隣家搔小任邕溪深獵起
魚果熟猿偷栗天地所長養於已何得失嗟理則誠然
自古戒鼠泣仙豈學淮南腐難嚇梁國舞應京房占磔
按張湯律終當就羅網不如放山澤永絕焚林風用全
飲河德

吳門遇劉雪舫

出門遇高會雜坐皆良朋排間一少年其氣為幽并羌

裴雖曩膝目乃無諸僮忽然語笑合與我談生平亡姑
備官掖吾父天家婚先皇在信邸降禮如諸甥長兄進
徹侯次兄拜將軍先皇早失恃寤寐求音形太廟奉容
容流涕朝羣臣新樂初受封措筭登王庭至尊亦豐順
一見驚公卿兩宮方貴重通籍長安門周侯累纖微鄙
哉無令名田氏起輕俠賓客多縱橫不比先后家天語
頻諄諄獨見新樂朝上意偏殷勤愛其子弟謹憂彼倖
給貧每開三十庫手賜千黃金長戈指北闕鼙鼓來西
秦寧武止一戰各帥皆投兵漁陽股肱郡千里無堅城
嗚呼四海主此際唯一身彷彿萬歲山先后輜輶迎辛
苦十七年欲訴知何因今纔識母面同去朝諸陵我兄
聞再拜慟哭高皇靈烈烈筆都尉揮手先我行寧同英
國死不作襄城生我幼獨見遺貧賤今依人當時聽其
語剪燭忘深更長安昔全盛曾記朝元正道逢五侯騎
頗皆為卿兄即君貌酷似豐下而微黠貴戚諸舊游追
憶應難真依稀李與郭流落今誰存君曰欲我談清酒

須三升舊時白石莊萬柳餘空根海淀李侯墅秋雁飛
沙汀博平有別業乃在西湖濱惠安舊名花牡丹天下
開富貴一朝盡落日浮寒雲走馬南海子射虎西山陰
路傍一窠園御道居人侵碑鐫孝純字僵石莓苔青下
馬向之拜見者疑王孫詢是先后姪感歎增傷心落魄
游江湖踪跡嗟飄零傾囊縱蒲博劇飲甘沉淪不圖風
雨夜詰舊同諸君已矣勿復言涕下沾衣襟

臨江參軍

欽定四庫全書

蘇軾集

七

臨江參軍負性何貞栗上書請賜對高語事得失左
石為流汗天子知噴直公卿有闕遺廣坐憂指摘鷹隼
伏指爪其氣嘗突兀同舍展歡謔失語輒面斥萬仞削
蒼崖飛鳥不得立予與交十年弱節資扶植忠孝固平
生吾徒在真寔去年羽書來中樞失籌策桓桓尚書公
提兵戰疾力將相有纖介中外為危慄君拜極言疏復
半片紙出贊畫樞曹郎遷官得左秩天子欲用人何必
歷顯職所恨持祿流垂頭氣默塞主上憂山東無能恃

緩急投身感至性不敢量臣力受詞長安門走馬棄乾
側但見塵滅沒不知風慘慄四野多悲笳十日無消息
蒼頭草中米整暇見紙墨唯說尚書賢與語材挺特次
見諸大帥驕懦固無匹逗撓失事機倏忽不相及變計
趣之去直云戰不得成敗不可知死生予所執予時讀
其書對案不能食一朝敗問至南望為於邑忽得別地
書慰藉告親識云與副都護會師有月日顧恨不同死
痛憤填胸臆先是在軍中我師已孔亟剽略斬亂兵掩
面對之泣我法為三軍汝寔饑寒極諸營枵潰亡羣公
意敦逼公獨顧而笑我死則塞責老母隔山川無繇寄
悽惻作書與兒子勿復收吾骨得歸或相見且復慰家
室別我顧無言但云到順德犄角竟無人親軍惟數百
是夜所乘馬嘶鳴氣蕭瑟椎鼓鼓聲哀拔刀刀芒澀公
知為我故悲歌壯心溢當為諸將軍揮戈誓深入日暮
箭鏃盡左右刀鋌集帳下勸之走叱謂吾死國官能制
萬里年不及四十詔下詰死狀疏成紙為溼引義太激

欽定四庫全書

蘇軾集

八

昂見者憂謗疾公既先我亡投跡復奚恤大節苟弗明
後世謂吾筆此意道鬼神至尊從薄謫生還就咍釣志
願自此畢巨廬何哉業大江流不測君看磊落士艱難
到蓬華猶見參軍船再訪征東宅風雨懷友生江山為
社稷生死無媿辭大義照顏色

贈願雲師 并序

願雲二十而與予游甲申間變常相約入山予
牽帥不果而師已悟道受法於雲門具和尚今

欽定四庫全書

蘇軾集

九

夏從靈隱求止城西之太平菴云將遠游廬嶽
貽書別予以兩人年踰不惑衰老漸至世法夢
幻惟出世大事乃為真寔學道一着不可不勉
予感其言因作此詩贈之并識予媿也

晚雨西山來松風滿溪閣忽得吾師書別予訪廬嶽分
攜出苦語殷勤謂同學兄弟四十餘衰遲已非昨寄身
蒼崖顛危苦愁失脚萬化皆虛空大事惟一着再拜誦
其言心願抑何忤未運初連遭達人先大覺勸吾非不

早執手生退却流連白社期慚負青山約君親既有媿
身世將安托今觀吾師行四海一芒屨大道本面前即
是真極樂他年跌深巖白雲養寂寞一偈出千山下界
鐘磬作故人叩松關匡床坐酬酢不負吾師言十年踐
前諾

避亂

我生江湖邊行役四方早所歷皆關河故園跡偏少歸
去已亂離始憂天地小從人訪幽棲居然逢浩渺百頃

欽定四庫全書

蘇軾集

十

磬清湖烟清入飛鳥沙石晴可數鳬鷖亂青魚主人柴
門開難聲綠楊晚花路若夢中漁歌出杳杳白雲護仙
源劫灰應不擾定計浮扁舟於焉得終老

其二

長日頻云亂臨時信孰傳愁看小兒女倉卒恐紛紜緩
急知難定身輕始易全預將襁褓寄忍使道塗捐天意
添漂泊孤舟雨不前途長從妾怨風急喜兒眠水市灣
頭見溪門屋後偏終當淳樸處不作畏途看未得更名

姓先教禮數寬因人拜村叟自去榜漁船多累心常苦
遭時轉自憐干戈猶未作已自出門難

其三

驟得江頭信龍關已不守由來咄早計此日盡狂走老
穉爭渡頭篙師露兩肘屢喚不肯開得錢且沽酒予也
倉皇歸一時搗百口兩槳速若飛扁舟載來久路近忽
又遲依稀認楊柳居人望帆立入門但需帶依然具盤
餐相依賴親友却話來途中所見俱八九失散追尋聞
啼呼挽兩手屢休又急步獨行是衰朽村女亦何心挿
花尚盈首

其四

此方容跡便止為過來稀一自人爭避溪山客易知有
心高酒價無計掩漁扉已見東郭叟全家又別移總無
高枕地祇道故園非為客貪蝦菜逢人欲鼓鼙兵戈千
里近隱避十年遲惟羨無家雁滄江他自飛

其五

月出前村白溪光照澄練放檝浮中流臨風浩歌斷天
壑非不雄哀哉日荒燕嗟爾謀國徒坐失江山半長年
驚起舞扁舟疾如箭可惜兩河士技擊無人戰孤蓬鐵
笛聲聞之淚流霰我生亦何為遭時涉憂患昔也游九
州今來五湖畔麻鞋習奔走淪落成愚賤

其六

曉起譁兵至戈船泊市橋草草十數人登岸沽村醪結
束雖非常零落無弓刀使氣搥市翁怒色殊無聊不知
何將軍到此貪逍遙官軍昔催租下令嚴秋毫盡道征
夫苦不惜畊人勞江東今喪敗千里空蕭條此地村人
居不足容旌旄君見大敵勇莫但驚吾曹

西田詩

穿林倦人事田野得自然偶來北郭外學住西溪邊道
大習隱難地僻起衆傳而我忽相訪棹入菰蒲天落日
浮遠樹桑柘生微烟逕轉蹊路迷鳬鴨引我船香近聞
芰荷卧入花鮮妍人語出垂柳曲岸漁槎偏執手顧而

笑此乃吾西田長得君輩客野興同流連藉草傾一壺
聊以娛餘年

其二

到此身世寬息心事樵牧舍南一團焦云以飯黃犢入
門沿長廊虛堂敞心目把卷倚新桐持杯泛南菊曲處
通簾櫳茶香具含蓄俄穿密室暗修過清溪綠碧水閒
紅蕖娟娟娟幽獨有鳥立層波垂翅清如玉對此不能
去溪光好留宿月照寒潭深經聲入寒竹徙倚良有悟

欽定四庫全書

蘇詩集

卷三

閒房道書讀

其三

別業多幽處探源更不窮堤沿密篠盡路細竹扉通石
罅枯泉過菖蒲間碧叢一亭壓溪頭魚藻如游空扁舟
更不繫出沒柳陰風小閣收平蕪良苗何雍容此綠詎
可畫變化陰晴中隔岡見村舍曲背驅牛翁苦言官長峻
未敢休微躬棲陋矜詩書無乃與我同日落掩扉去滿
地桃花紅

其四

常言愛茅齋投老纔剪茸創置依舊園新意出彷彿蒼
然一笠寒能添夕陽色細影懸晨光一一清露滴平生
工丹青妙手固誰匹山村貧無人取意先自適想像生
雲烟為我開素壁了了見千峰可以攜手入道人十年
夢惆悵平生履此地足卧游不負幽人室願以求長生
芝草堪采食

哭志衍

欽定四庫全書

蘇詩集

卷四

予始年十四與君蚤同學君獨許我文謂俾古人作長
揖謝時輩自比管與樂彊記矜絕倫讀書取大略家世
攻春秋訓詁苦穿鑿君撮諸家長弗受專門縛即子之
太公亦未相然諾高譚羣兒驚健筆小儒忤長途馭二
龍崇霄翔一鶚遂使天下士咸奉吾徒約詞場擅兩吳
相與為犄角煌煌張夫子斯文紹濂洛五經叩鐘鏞百
家垂矩矱海內走其門鞍馬填城郭雲間數陳夏餘子
多磊落反騷擬三湘作賦誇五柞君也游其間才大資

磨斲詩篇口自吸書記手頻削冠蓋傾東南虛懷事酬
酢射策長安城馳馬黃金終年少交公卿才智森噴薄
會值里中兒飛文肆謠詠要路示指蹤黨人罹燭繳君
也念急難疎道暗籌度陰落其機牙用意于莫覺逡巡
白衣奏停止黃門獄叶解褐未赴官歸來卧林壑賓客
益輻輳聲華日昭灼生徒巧譚論文史供揭擯貧賤諸
故人慰存餽衣藥躡履修起居小心見誠恪重氣狗長
者往往捐囊索君家夙貴戚朱門飾華樹壘石開樵軒
張燈透簾幕唱曲李延年俳弄黃幡綽舞席間毬塲池
館花漠漠兄弟四五人會讌騰觥爵鹽豉下魚羹椒蘭
糝臙腫每具十人饌中厨炊香穉客從遠方來吐嗟辨
脾腴昨宵已中酒命飲仍大酬叶而我過其家性不勝
杯杓小戶不足斜引滿狂笑噉卷波喝遣輸射覆猜須
着狎侮座上人鬬捷貪諧詭警速誰能酬自喜看跳躍
堅坐聽其言乃獨無差錯親疎與長幼語語存斟酌性
厭禮法儒拘忌何醒醒風儀甚瓌偉衣冠偏落拓有時

不夢中散髮忘盟濯中夜闕歌呼分曹縱蒲博百萬一
擲輸放意長自若絕叫忽成虛衆手忽缺却男兒須作
健清談兼馬稍犯雪披輕衫笑予爾何弱嘗登黃山顛
飛步臨峭崿下有萬仞潭徒侶愁失脚搔首凌雲烟翅
足傲衡霍顧予石城頭橫覽浮大白叶慷慨天下事風
塵慘河朔諸將擁重兵養寇飽鹵掠背後若有節此輩
急斬斷自請五千騎一舉殲首惡餘黨皆吾人散使歸
畔獲即今朝政亂舉錯混淆濁君父切邊疆羣臣私帷
幄當官不彈治何以司封駁對仗劾三公正色吐豪詬
此志竟迺遭天道何窮剝六載養邱園一官落印作大
盜竊江黃克徒塞荆鄂間道攜妻孥改途走蠻貉瘴黑
箐林行颺作瀘溪泊驛路出枕榔候吏疑猿猱歇鞍到
平地修逢錦城樂問士先嚴楊恤民及程卓白鹽古戍
烽赤脚嚴關析再拜蜀王書流涕傾葵藿請府發千金
三軍賜酺釀賓旅給犀渠叟兵配駟駘此地俯中原巨
靈司鎖鑰水櫃托涪江石門防劍閣我謀適不用岷峨

氣蕭索黑山起張燕青城突莊蹻積甲峨眉平飲馬瞿
塘涸生民為殪鵲醜類恣咬嚙徒行值虎豹同事皆燕
雀狐城遂摧陷狂刀乃屠膊有子踰十齡難難顧顧托
閨門竟同殉覆卵無完殼一弟漏刃歸兩踝見芒屨三
峽奔荆門魚龍食魂魄叶夢斷落滄江母乃遭搏攫耶
箇千日酒泉路無寂寞追計平生歡一一猶如昨壁間
所懸琴臨行彈別鶴玉子文楸枰尚記爭殘着百架藏
圖書千金入拳握刻意工丹青雲山共綿邈篋中白團
扇玉墜魚澆澗阿兄風流盡萬事俱零落我欲收君骨
茫茫隔山嶽後來識死事良史曾誰確此詩傳已中磨
崖書卓犖石剝蒼藤經姓氏猶捫摸庶幾千載後悲風
入寥廓

閬州行

贈楊學博同緒

四坐且勿喧聽吾歌閬州閬州天下勝十二錦屏樓歌
舞已淪盛江山士女游我有同年翁閬中舊鄉縣送客
蒼溪船讀書玉臺觀忽乘相如車謂受文翁薦游宦非

欽定四庫全書

卷一

十八

不歸十載成都亂只君為愛子相思不相見相見隔長
安干戈徒步難金牛盤七坂鐵馬斷千山敢辭道路艱
早向妻兒訣一身上鳥道全家傍虎穴君自為尊章豈
得顧妻子分攜各努力妾當為君死淒淒復切切苦語
不能答好奇武昌書莫買秦淮妾已水急若箭已船去
如葉兩岸蒼崖高孤帆望中沒二月到漢口三月下揚
州揚州花月地烽火似邊頭驛路逢老親還官向闕越
謂逼公車期早看長安月再拜不忍去趣使嚴裝發河
山一朝異復作它鄉別別後竟何如飄零少定居愁中
鄉信斷不敢望來書盡道是葭萌殺人滿川陸積屍峨
嵋平千村惟鬼哭客有自秦關傳言且悲喜來時聞君
婦貞心視江水江水流不極猿聲哀豈聞將書封斷指
血淚染羅裙五內為崩摧買舟急迎取相逢惟一慟不
料吾見汝拭眼問舅姑雲山復何處淚盡日南天死生
不相遇汝有親弟兄提攜思共濟姊妹四五人扶持結
衣袂懷裏孤雛癡啼呼不知避失散倉皇問骨肉都拋

棄悠悠彼蒼天於人抑何酷城中十萬戶白骨滿崖谷
官軍收成都千里見榛莽設官尹獫狁半以餉豺虎尚
道是閬州此地差安堵民少官則多莫恤蜀人苦淒涼
漢祖廟寂寞滕王臺子規叫夜月城郭生蒿萊只有嘉
陵江江聲自浩浩我欲竟此曲流涕不復道

讀端清鄭世子傳

昭代無遺憾萬事光史冊惜哉金川門神聖有慚德天
誘其子孫救之以讓國賢如鄭世子宗盟堪表率當璧

欽定四庫全書

鄭村集
卷一

七

辭真王累疏誠懇惻天子詔勿許流涕守所執敵屢視
千乘謝之以長揖灑掃單懷宮躬迓新王入夷齊既死
後曠代仍間出築屋蘇門山深心事經術明興二百年
廟樂猶得失以之輯羣書十載成卷帙候氣推黃鐘攷
風定六律解谷當南山伐竹製琴瑟為圖獻太常作之
文世室遂使溱洧間一洗萬古習我行漳河南懷古思
遺澤好學漢東平高風吳泰伯道傍立豐碑讓爵仔月
日彼為一卷書能輕萬家邑大雅欽遺風誠哉不可及

欽定四庫全書

鄭村集
卷一

七

梅村集卷一

欽定四庫全書

梅村集卷二

國子監祭酒吳偉業撰

五言古詩二

讀史雜詩

東漢昔云季黃門擅權勢積忿召外兵癰決身亦斃雖
自撥本根庶幾蕩殘穢誰云承敝起仍出刑餘裔蓋德
沾丐養門資列朝貴憑藉盜弄兵豈曰唯才智追王故
欽定四庫全書

梅村集
卷二

其二

商君刑師傳徙木見威約范叔誣涇陽折脇吐謬誇地
疎主恩深法輕主權削苟非用刻深何以庸付託功成
或倖追禍至終難度屈伸變化間即事多斟酌談笑遭
種人吾思王景略

其三

蕭何座上坐故侯城門東曹參避正堂屈已事蓋公咄

咄兩布衣不仕隆準翁其術總黃老閱世浮沉中所以
輔兩人俱以功名終出處雖有異道義將毋同何必致
兩生彼哉叔孫通

其四

竇融昔布衣任俠家扶風翟公初舉事海內知其忠融
也受漢恩大義宜相從低頭就新莽顧入其軍中轉戰
槐里下盡力為摧鋒後來擁眾降仍以當時功忝竊居
河西蜀漢方相攻一朝決大計佐命蕭曹同吁嗟翟太
守為漢傾其宗劉氏已再興白骨無人封徒令千載後
流涕平陵東

梅村集
卷二

又詠古

決旬至台司三日遍華省慈明與中郎豈不念朝菌王
良御奔車勢逼嗟噓景急策度太行馬足殆而騁富貴
若歲時過則生災疹草木冬先榮經春輒凋殞桓桓梁
將軍赫赫蕭京尹一朝遇蹉跌未得全要領人生百年
內飽食與美寢毋以藜藿糲羹彼鍾與鼎毋以毛褐敝